

Bosna i Hercegovina

Federacija BiH

Kanton Sarajevo

Skupština Kantona Sarajevo

34. Radna sjednica SKS

ZASTUPNIČKA INICIJATIVA

n/p predsjedavajuće, prof. Ana Babić

Iako je Vlada u Zakonu pokazala vrlo nizak stepen senzibilnosti kada su u pitanju djeca sa poteškoćama u razvoju, ipak se nadam kako je briga za našim najmlađim nešto gdje danas možemo pokazati minimum političkog konsenzusa .

Vlada se u Zakonu obavezala na formiranje centara za učenike sa poteškoćama, međutim takvih centara, svjedoci smo, nema, niti ima programa inkluzije ove populacije u redovne nastavne procese.

Najmanje što možemo učiniti jeste barem ispuniti minimum svojih opredjeljenja i formirati odgovarajući centar koji bi ponudio kakav-takav prilagođen odgojno-obrazovni proces za mališane sa određenim poteškoćama.

Kako ministar još nije ispunio zakonsku obavezu koju je sam sebi zadao u članu 68. Zakona i donio Pravilnik o inkluzivnom obrazovanju, onda barem možemo uvažiti mjere iz Elaborata koji su umjesto svih nas, radeći i naš i posao Ministra, izradili roditelji djece sa poteškoćama, u saradnji sa stručnjacima i postupiti po njima formirajući odgovarajući centar.

Pozivam Vladu, Ministra i sve nas da danas pokažemo kako smo se spremni posvetiti ovom problemu odgovorno, rješavajući ovaj problem, ako ne po vlastitom znanju, onda barem po modelu koji su nam priredili oni koji sebi više ne mogu dozvoliti luksuz bilo kakvog čekanja.

Zato Vas molim da svi zajedno uvrstimo Elaborat kao tačku dnevnog reda već na sljedećoj sjednici, i donesemo odgovarajuće zaključke koji će omogućiti njegovu najbržu moguću implementaciju, u interesu djece prije svega.

Sarajevo, 31.10.2017.

Segmedina Srna Bajramović
Zastupnica SDP BiH